



ლოვანი პირობა; ამასთანავე ტურისტს თუ ექნება „ხარისხიანი და საიმედო“ კომუნიკაციაც თავის ახლობლებთან უცხო ქვეყანაში ყოფნის გამო, უფრო უკეთესი ; ამ შემთხვევაში უნდა წავახალისოთ მუქი მწვანე ინვესტიციები, რომლებიც ითვალსწინებენ ისეთი საკომუნიკაციო ინფრასტრუქტურის განვითარებას, რომელიც გულისხმობს საკომუნიკაციო სადენების არა „მიწის ზევით“ განთავსებას, არამედ მიწის შიგნის სიღრმეში; ყოველივე ეს კი თავიდან აგვაცილებს იმ გაძლიერებული ელექტრული ველების ზემოქმედებას ადამიანებზე, რომლებსაც თანდათანობით ჯანმრთელობასთან დაკავშირებით სერიოზული ცუდი შედეგი შეიძლება მოყვეს.

სოციალურად ორიენტირებული საბაზრო ეკონომიკის პირობებში, მართალია, მოგება პირველ რიგში განმსაზღვრელი მიზანია, მაგრამ ინვესტიციებს შეიძლება ჰქონდეთ კაპიტალის დაბანდების სხვა ეკონომიკური და არაეკონომიკური მიზნებიც.<sup>1</sup> ნებისმიერ ინვესტიციებს საბოლოო ჯამში მაინც მოაქვს რაღაც შედეგი, შემოსავალი, თუნდაც თვით ინვესტორისათვის. მაგალითად, სოციალურ პროექტებში ჩართვით ინვესტორი, ხარჯავს რა სახსრებს სოციალურ და ფილანთროპიულ პროგრამებზე, ამცირებს რა მიმდინარე შემოსავალს, უარს ამბობს მოცემულ მომენტში მოგების რაღაც გარკვეულ ნაწილზე, გრძელვადიან პერსპექტივაში მაინც ქმნის კეთილსაიმედო სოციალურ გარემოცვას, თავადაც თვითონ იქმნის მყარ რეპუტაციას და იმიჯს, დამაჯერებელ რეალურ რეკლამას და იღებს კიდევაც „დივიდენდებს“ ამ საქმიანობიდან. ყოველივე ამით ხელს უწყობს ეკონომიკური ეფექტიანობის ამაღლებას.<sup>2</sup>

1 ლამარა ქოქიაური. საინვესტიციო მენეჯმენტი და პოლიტიკა: ორ ტომად. - ტ. 1. თბ. , თბილისის სახელმწიფო უნივერსიტეტი, 2008, გვ. 96 – 97.

2 ჩვენი აზრით, საკითხის ასეთ ასპექტში განხილვით შეიძლება ვიმსჯელოთ იმაზე, რომ სოციალურ ინვესტიციაც ასევე ეკონომიკური კატეგორიაა. ასეთი ინვესტიცია პერსპექტივაში მოგების მაქსიმიზაციის, მდგრადი მოგების მიღების საწინდარია. ამით შემცირდება დანახარჯები, რომელიც საჭიროა ხელისუფლების საკანონმდებლო და აღმასრულებელი ორგანოების დასაცავად, ასევე ძვირად ღირებული სახელმწიფო ჩარევის

თუ გავითვალისწინებთ ისტორიულ წარსულს, სამეწარმეო ტრადიციებს და საკითხს ამ თვალსაზრისით შევხედავთ, დავინახავთ, რომ, მაგალითად, ქართული ინვესტიციაც, უცხოური ინვესტიციების მსგავსად, თუ უნდა, რომ ცივილიზებული საბაზრო ეკონომიკის ნაწილი გახდეს და თუ გახდება, მაშინ აუცილებლად დაიმკვიდრებს თავის არსენალში სოციალურ, კორპორაციულ პასუხისმგებლობას.

არ უნდა დაგვავიწყდეს, რომ ინვესტიციის საშუალებით ბიზნესის განვითარება მხოლოდ მომგებიანი საქმიანობისათვის ხელსაყრელ საბაზრო და სოციალურ გარემოშია შესაძლებელი. ამგვარი გარემოს შექმნა კი სახელმწიფოს პრეროგატივაა. სახელმწიფომ ხელი უნდა შეუწყოს ინვესტორებს, რათა მათ მიიღონ მოგება და შემდგომ აქტიურად იზრუნონ საზოგადოების მატერიალურ და კულტურულ კეთილდღეობაზე.

ინვესტიციების გენეტიკური მიდგომით განხილვისას არ შეიძლება გვერდი ავუაროთ ისეთ ბუნებრივ, თავიდანვე მუქთ რესურსს, წყაროს, როგორიცაა ამა თუ იმ ქვეყანაში არსებული უნიკალური, საუკეთესო ბუნებრივ-კლიმატური პირობები. ეს რესურსები, მართლაც ატარებს, უფასო, მუქთ, ნაჩუქარ ხასიათს, რადგან, ისინი შექმნილია თავად ბუნების მიერ. ამასთან მათ არა ჰყავთ უშუალოდ პერსონიფიცირებული მესაკუთრე, რომელიც მოითხოვდა მის ანაზღაურებას. ადამიანებსა და ბუნებას შორის არ არსებობს ეკონომიკური (კომერციული) ურთიერთობები. სანაცვლოდ ბუნება არ მოითხოვს არაფერს ადამიანებისაგან, საჩუქრად იძლევა უზარმაზარ ფასეულობებს (მაგ.

შედეგები, სოციალური უწყსრიგობების არასტაბილურობის შედეგად წარმოქმნილი საწარმოს ქონების ზიანით გამოწვეული დანაკარგები და ა.შ. მაგალითად, გერმანული ფონდის რობერტ ბოშის სპეციალისტების შეფასებით „იდეალური კონკურენცია მოდის არა მხოლოდ მაღალ მაჩვენებლებზე, არამედ იმ კეთილ საქმეებზეც, რომლებმაც მეწარმეებსა და მენეჯერებს წარმატებები მოუტანეს“ (Unternehmen und Bürgerliche engagement. Aufbruch zu neuen Verantwortung. Berlin: SLP, 2001, s. 16) . ე.ი. ინვესტორის მიერ სოციალურ ღონისძიებებზე დახარჯული სახსრები განხილული უნდა იქნას არა როგორც ზარალი, არამედ როგორც განვითარების პირობა.

საუკეთესო კლიმატურ პირობებს–ნ.შ.). ბუნება ადამიანებთან მიმართებაში ლმობიერია, აწვდის მათ საარსებო საშუალებებს აუნაზღაურებლად. მაგრამ მას შემდეგ, რაც მათი გამოყენების შედეგად მიღებული პროდუქტი გახდება ეკონომიკური ურთიერთობის, ყიდვა–გაყიდვის, საკუთრების ობიექტი, საბაზრო მექანიზმების წყალობით, იძენენ ფასს, რომლებიც ბევრად აღემატება შესაბამისი დოვლათის შესაქმნელად საჭირო ხარჯებს.<sup>1</sup> ყოველივე ეს სტიმულს აძლევს ინვესტორს. ფაქტია, რომ ინვესტიცია სხვადასხვა სოციალურ გარემოში, ქვეყანაში, ბუნებრივ–კლიმატურ პირობებში ერთნაირი შედეგის მომტანი არ შეიძლება იყოს. გამომდინარე აქედან, კარგი ბუნებრივ–კლიმატურ პირობები იზიდავს ინვესტორს და სტიმულს აძლევს უფრო ადვილად მიიღოს მეტი შედეგი, რომელიც ბევრად აღემატება შესაბამისი დოვლათის შესაქმნელად საჭირო ხარჯებს ვიდრე ამას მიიღებდა ასეთი პირობების არმქონე ქვეყანაში.

ინვესტიციის სოციალურ ფორმაზე მსჯელობისას გვერდს ვერ ავუვლით მის ქვესახეებს, მაგალითად, ეთიკურ, ეთიკურად ორადი (პოზიტიური და ნეგატიური) ხასიათის ინვესტიციებს. კერძოდ, ეთიკურია ინვესტიცია, რომელიც ზიანს არ აყენებს ადამიანის ჯანმრთელობას და არ ეწინააღმდეგება საზოგადოების (ადამიანთა) ყოფისა და ქცევის ეთიკურ ნორმებსა და წესებს (მაგ. ინვესტიციები წარმოების რეალურ სექტორში). ხოლო არაეთიკურია ინვესტიცია, რომელიც აზიანებს, საფრთხეს უქმნის ადამიანს, ბუნებას და სხვა. ასეთია მაგალითად სიგარეტის ბიზნესი.

გაერთიანებული სამეფოს საინვესტიციო მენეჯმენტის ასოციაციის (IMA) მიხედვით ეთიკური ფონდებს შეიძლება ეწოდოთ ასევე სოციალური პასუხისმგებლობის ინვესტიციები (Socially Responsible Investments-SRIs); ასეთი ფონდები მიმართულია ისეთი კამპანიისკენ, რომლებიც მოუწოდებს ინვესტორ კომპანიებს თავის შეიკავონ ისეთი საქმიანობაში ჩართულობა

1 Георгий Малахия. Метатеория прибыли. Что в самом деле есть прибыль? Тбилиси, 2007. ст. 31.

ბისგან, რომელიც საზიანოა, მაგალითად: თამბაქოს წარმოებისაგან ან ბავშვთა შრომის გამოყენებისაგან. ეთიკური ფონდები მიმართულია ინვესტიციები ჩაიდოს ისეთ კომპანიებში, რომლებიც ეთიკურ პოლიტიკას ატარებენ: მაგალითად ნარჩენების გადამუშავების ბიზნესის წახალისება<sup>1</sup>; ამ ასოციაციის მიხედვით ეთიკურმა ფონდებმა 2010 წლის მე-3 კვარტალში 93 მილიონი, ხოლო 2011 წელის კი-46 მილიონი<sup>2</sup> შეადგინა;

ეთიკურად ორადი–ბილატერალური ხასიათისაა ინვესტიცია, დაბანდებული ისეთ ბიზნესში, რომელიც ერთდროულად შეიძლება ან არ შეიძლება მავნებელი იყოს ადამიანისათვის. ასეთია, მაგ. ინვესტიციები სამხედრო საქმეში, ბიზნესში (ქიმიური იარაღის წარმოებაში), რომლებიც შეიძლება გამოყენებულ იქნას როგორც სახელმწიფო თავდაცვის მიზნით (პოზიტიური მხარე) ან, პირიქით, მაგ., სხვაზე თავდასხმისთვის, ტერორისტული აქტისათვის (ნეგატიური მხარე), რაც მიზნად ისახავს ადამიანის ლიკვიდაციას. ასეთივეა ინვესტიციები ბირთვული იარაღის წარმოებაში, რომელსაც აქვს ორადი საპირისპირო ფუნქცია — თავდაცვითი და თავდასხმითი. მსგავსი ფუნქციაა დამახასიათებელი ინვესტიციებისათვის სპეციფიკური ზემოქმედების წამლების (მათ შორის გენერირების) წარმოებაში. მაგალითად, გამაბრუებელი საშუალებები გამოიყენება ქირურგიული ოპერაციების დროს ტკივილის გასაყუჩებლად, თუმცა ადამიანმა ისინი დიდი დოზით მიღებისას შეიძლება იხმაროს ნარკოტიკულ საშუალებად.

ტურიზმის განვითარებაში განსაკუთრებული როლი შეუძლია ითამაშოს მუქი მწვანე და ღია მწვანე ინვესტიციებმა, რომლის მთავარი დანიშნულებაა გათვალისწინებულ იქნას ეკოლოგიური უსაფრთხოების ღონისძიებები. ასეთი სახის ინვესტიციის მაგალითად ჩაითვლება არც ისე დიდი ხნის წინათ ამერიკის ისტორიაში ყველაზე დიდი ეკოლოგიური კატასტროფა, რის შედეგადაც დღესაც გრძელდება ნავთობის გაჟონვა მექ-

1 <http://www.investmentfunds.org.uk/press-centre/2011/q311/>

2 <http://www.investmentfunds.org.uk/press-centre/2011/q311/>

სიკის ყურეში. ყოველივე ამის სალიკვიდაციოდ კომპანიები გრძნობენ დიდ სოციალურ პასუხისმგებლობას და მათ ამ მიზნით უხდებათ უზარმაზარი ინვესტიციის ჩადება.

უეჭველია, რომ მომავალში, როცა საუბრობენ „გლობალიზაციის სოციალურად ორიენტირებულ მოდელზე“, ინვესტორები სოციალურ ინვესტიციებს, ეთიკურ ინვესტიციებს უფრო მეტ ყურადღებას მიაქცევენ, თავიანთ საინვესტიციო პორტფელში გამოავლენენ სოციალური პასუხისმგებლობის მიდგომას, რათა გვერდი აუარონ კომპანიებს, რომელთაც ახასიათებთ ნეგატიური ზეგავლენა ბუნებრივ გარემოზე ან სოციალურ პრობლემებზე. მაგალითად, ტურიზმის სფეროში ინვესტიციების მოზიდვის კუთხით ეკოლოგიურად სუფთა გარემოს დიდი მნიშვნელობა ენიჭება; ინვესტორთა უმრავლესობას აქვს არჩევანი ჩადოს კაპიტალი უშუალოდ იმ კომპანიებში, რომლებიც შეესაბამებიან გარკვეულ „მწვანე“ კრიტერიუმებს. მაგალითად, ღია მწვანე ინვესტიციები უფრო მიესადაგება იმ კომპანიებს, რომლებსაც აქტიურად დადებითი წვლილი შეაქვთ ბუნებრივი გარემოს გაუმჯობესებაში. იმედია, ინვესტიციების ამ კუთხით წარმართვა ინვესტორს მომავალშიც კიდევ უფრო მეტ კეთილსაიმედო სოციალურ გარემოცვას, მყარ რეპუტაციას და იმიჯს შეუქმნის.

ამრიგად, თანამედროვე, სოციალურად ორიენტირებული ცივილიზებული საბაზრო ეკონომიკის პირობებში ინვესტიციის ახლებური ხედვა მხოლოდ სოციალურ-ეკონომიკურ ასპექტშია შესაძლებელი, რამდენადაც იგი მომავალში უფრო მეტი სოციალური შინაარსითა და ფუნქციით დაიტვირთება, საზოგადოების განვითარების არსებული დონიდან უფრო მაღალ დონეზე გადასვლის პირობა გახდება. სოციალური (მაგალითად, მუქი მწვანე და ღია მწვანე, ეთიკური და ა.შ.) ინვესტიციების წახალისება, ჯანსაღი ბუნებრივი, ეკოლოგიური გარემოს შექმნის საწინდარია, რაც ტურიზმის განვითარების ერთ-ერთი წინაპირობაა.

## SOCIAL INVESTMENTS AND THE DEVELOPMENT PERSPECTIVES OF TOURISM

Natia Shengelia

### Resume

In Summary, in a modern, civilized and socially oriented market economy, a new vision of investments is only possible in the social-economical aspects, as far as it will have more content and social function in future, that will become the condition to move from the current level to the higher level of development of society. The Social (for example, dark green and light green, ethical, etc.) investment promotion is the guarantee for creating healthy natural, ecological environment that is the one precondition for the development of tourism.